

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 264845 25 St
Zenica, 13.02.2026. godine

OPĆINSKI SUD U ZENICI, stečajni sudija Amra Brkić, u stečajnom postupku nad stečajnim dužnikom BBEDŽ doo Visoko, Aleja Šehida Resula 7, zastupan po punomoćniku Vranac Mehmedu, advokatu iz Visokog, odlučujući o prijedlogu stečajnog dužnika, donio je van ročišta, dana 13.02.2026. godine sljedeće:

R J E Š E N J E

OTVARA SE STEČAJNI POSTUPAK nad imovinom stečajnog dužnika BBEDŽ doo Visoko, Aleja Šehida Resula 7, MBS: 43-01-0147-15, IB 4218880790005, glavni račun stečajnog dužnika otvoren kod Sparkasse bank d.d. BiH broj: 1994740031116804, dana 13.02.2026. godine u 12:00 sati.

Za stečajnog upravnika, sa liste stečajnih upravitelja, imenuje se Sulejman Ismić iz Visokog.

Pozivaju se vjerovnici da u roku od 30 dana od dana objave ovog rješenja u „Službenim novinama“ Federacije BiH, prijave svoje tražbine koje imaju prema stečajnom dužniku podnošenjem prijave Općinskom sudu Zenica na broj: 43 0 St 264845 25 St, uz uplatu sudske takse u iznosu od 1% od vrijednosti tražbine, ali ne manje od 50,00 KM, niti više od 10.000,00 KM na račun budžeta ZE-DO kantona broj:134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos tražbine, kao i broj svog računa kod poslovne banke.

Pozivaju se vjerovnici da stečajnog upravitelja u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osiguranu tražbinu.

Pozivaju se dužnici stečajnog dužnika da svoje obveze bez odlaganja izmire.

Nalaže se stečajnom dužniku i trećim osobama da stečajnom dužniku predaju u posjed imovinu i dokumentaciju stečajnog dužnika koja je u njihovom posjedu.

Nalaže se registru poslovnih subjekata ovog suda da uz firmu ili naziv stečajnog dužnika izvrše upis oznake „u stečaju“, a u rubrici „Lica ovlaštena za zastupanje subjekta upisa“ umjesto imena i prezimena direktora, upišu ime i prezime stečajnog upravitelja.

Nalaže se zemljišnoknjižnim uredima i nadležnim katastarskim operatima, kod kojih se vode nekretnine stečajnog dužnika, da izvrše upis rješenja o otvaranju stečajnog postupka.

Ispitno i izvještajno ročište u ovom postupku zakazuje se za dan 24.04.2026. godine u 11,00 sati, u zgradi Općinskog suda Zenica, te se na isto pozivaju vjerovnici stečajnog dužnika koji podnesu prijavu tražbine, kao i stečajni upravitelj.

Rješenje o otvaranju stečajnog postupka objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u „Službenim novinama“ Federacije BiH objavit će se izreka rješenja.

O b r a z l o ž e n j e

Privredno društvo BBEDŽ doo Visoko, Aleja Šehida Resula 7, zastupan po punomoćniku Vranac Mehmedu, advokatu iz Visokog, podnijelo je prijedlog za provođenje stečajnog postupka dana 04.09.2025. godine.

Na ročištu održanom dana 12.02.2026. godine privremeni stečajni upravnik Sulejman Ismić je ostao pri podnesenom izvještaju koji je dostavio ovom sudu dana 26.12.2025.godine u prethodnom postupku broj: 43 0 St 264845 25 St, vezano za prijedlog za otvaranje stečajnog postupka nad društvom za transport, trgovinu I usluge, BBEDŽ d.o.o.Visoko, a kojim je utvrđeno stanje imovine navedenog subjekta I poslovanja, te u kojem je izvještaju utvrđeno da li postoje razlozi I uslovi za otvaranje stečajnog postupka. Radnje je započeo kontaktirajući upisanog zakonskog zastupnik I osnivača Društva g-đu Halilbegović Bojanu koja mu je predočila kompletnu situaciju za imovinu i poslovanje predmetne firme koja je između ostalog istakla da je glavni razlog stanja u kome se firma našla nekonkurentnost predmetnog društva na tržištu a što je uzrokovano povećanjem poreza i doprinosa, dok sam informacije oko poslovne dokumentacije i završnih bilansa dobio od ovlaštenog računovođe koji mi je pojasnio sve iskazane stavke u završnim obračunima, što je potvrdio i zakonski zastupnik, koji je sačinjavao posljednje finansijske izvještaje. Po dobivanju informacija od strane navedenih, obišao je i dotadašnje sjedište firme, a koje nije bilo u vlasništvu firme nego je bilo u zakupnom odnosu. Na navedenoj adresi više ne postoji ni istaknuta firme niti predmetno društvo ima ikakve nepokretne imovine koja bi činila stečajnu masu. U razgovoru sa gore navedenim, te uvidom u dokumentaciju društva i javne evidencije saznao je da navedeno društvo posjeduje pokretnu imovinu, a koja će sačinjavati stečajnu masu, i to: putnički automobil – M1, registarskih oznaka J43K047, broj šasije: ZCFC3583005793606, 2009.godište, broj motora F1AE0481G995345, marka i tip: IVECO 35S12 IVECO DAILY 35S12V. Druge imovine predmetno društvo ne posjeduje kao ni potraživanja ili imovinska prava koja bi predstavljala stečajnu masu, što je također potvrđeno i uvjerenjima koja su preuzeta iz nadležnih javnih registara, a što je priloženo uz izvještaj I to: Potvrda nadležnog Zemljišnoknjižnog ureda broj:041-0-RZ-25-002575 od 04.12.2025.g, Uvjerenje nadležnog Katastarskog ureda broj: 04-26-2178/25/25 od 22.12.2025.g, Uvjerenje MUP-a broj: 08-01-02/6-03-7-5829/25 od 04.12.2025.godine. Račun društva je blokiran na dan podošenja zahtjeva za pokretanje stečajnog postupka prema Izvještaju o računima poslovnog subjekta izdatog od strane Centralne banke BiH dana 01.10.2025.godine. Što se tiče nezatvorenih stavki u posljednjem bilansu stanja na dan 31.08.2025.godine u kojima se vodi potencijalna imovina istaknuto je sljedeće: Konto 057 – Novac I novčani ekvivalenti (uključujući prekoračenja po bankovnim računima) u iznosu od 11 KM predstavlja novac koji se nalazio u blagajni i isti je davno potrošen za troškove u poslovanju, za isto ne postoji bilo kakva dokumentacija. Konto 058 – Akontacija poreza na dobit u iznosu od 4472 KM predstavlja potraživanja prema Poreznoj upravi na osnovu pretplaćenog poreza na dobit, što je neosnovano s obzirom na potraživanja same Porezne uprave od Društva. Konto 059 – Ostala imovina I potraživanja, uključujući I razgraničenja u iznosu od 268 KM što predstavlja

uplatu osiguranja za putničko vozilo koje je do sada I isteklo s obzirom da je u međuvremenu istekla I registracija. Što se tiče obaveza Dugoročnih obaveza Društvo na dan 31.08.2025.godine nema. Kratkoročne obaveze na dana 31.08.2025.godine iznose 34.882 KM i iste se sastoje od: Obaveze prema dobavljačima u iznosu od 6966 KM, Obaveze po uzetim kreditima u iznosu od 21.945 KM predstavljaju obaveze za kredite i to prema: Privredna Banka d.d.Sarajevo iznos od 17900, te MI-BOSPO iznos od 4045 KM, Ostale obaveze po amortizovanom trošku u iznosu od 3000 KM predstavljaju pozajmicu koja je uzeta od firme ONIX d.o.o. u iznosu od 3000 KM koja nije vraćena. Ostale obaveze, uključujući i razgraničenja u iznosu od 2971 KM, predstavlja obaveze prema Poreznoj upravi po osnovu neplaćenih doprinosa za period od dva mjeseca. S obzirom na gore navedeno, te da je prijedlog za pokretanja postupka pokrenut odmah po prikupljanju sredstava, smatra da je navedeni prijedlog podnesen na vrijeme u skladu sa odredbama člana 61. stav 2. Zakona o stečaju. Uvidom u Izvještaj o računima Centralne banke BiH od 01.10.2025.godine utvrđeno je da Društvo ima blokiran transakcijski račun u kontinuitetu duže od 60 dana tako da je nesporna platežna nesposobnost Društva kao razlog za otvaranje stečajnog postupka. Uvidom u poslovnu dokumentaciju, javne register, izjave zakonskog zastupnika I računovođ Društva te ličnim uvidom na sjedištu utvrđeno je da Društvo kao jedinu imovinu ima putnički automobile koji će činiti eventualnu stečajnu masu, a koja je dovoljna da se podmire troškovi stečajnog postupka. Društvo ne obavlja nikakvu djelatnost i nema uslova za bilo kakav nastavak poslovanja. Svoju djelatnost Društvo je obavljalo u prostorijama koje su u zakupnom odnosu. Računi Društva su blokirani prije podnošenja zahtjeva za pokretanje stečajnog postupka, duže od 60 dana. S obzirom na navedeno te da postoje uslovi za otvaranje stečajnog postupka nad predmetnim društvom te da postoji stečajna masa koja je dovoljna da se pokriju troškovi stečajnog postupka predlaže da sud otvori postupak te ga imenuje za stečajnog upravnika.

Sud je nakon uvida u dokaze priložene u spis, kao i u Izvještaj i Dopunu Izvještaja privremenog stečajnog upravitelja odlučio kao u izreci.

Sud je pored navedenog ovim rješenjem odredio dan i sat otvaranja postupka, imenovao stečajnog upravitelja sa liste stečajnih upravitelja, pozvao vjerovnike stečajnog dužnika da prijave tražbine i vjerovnike sa pravom osiguranja da obavijeste stečajnog upravitelja o svom pravu, te dužnike stečajnog dužnika da bez odlaganja izmire svoje tražbine, te je odredio i dan i sat za koji je zakazano ispitno i izvještajno ročište, a sve u skladu sa odredbama čl. 104., 105., 106., 107. i 108., Zakona o stečaju (Sl. Novine F BiH 53/21), budući da je naprijed navedeno i potrebno da sadrži rješenje o otvaranju stečajnog postupka.

PRAVNA POUKA

Protiv ovog rješenja stečajni dužnik može uložiti žalbu u roku od 8 (osam) dana po prijemu rješenja Kantonalnomsudu Zenica, putem ovog suda.

Stečajni sudija
Amra Brkić, s.r.